



JAVNA USTANOVA  
**DOM ZDRAVLJA**  
ZAVIDOVIĆI

*Gazi Husrev-begova 25*

*tel.(032)878-877*

*fax (032)879-088*

*e-mail: polikzav@bih.net.ba*

*web : www.dzzavidovici.ba*

*Identifikacioni broj: 4218122690008*

*PDV broj: 218122690008*

*Žiro računi : ASA Banka d.d. Sarajevo : 134030000007482*

*Raiffeisen bank d.d. BiH Sarajevo – filijala Zenica : 1610550009120069*

---

---

**UPRAVNI ODBOR**

Broj:01-2.16-2294/21

Datum:21.7.2021. godine

Upravni odbor JU «Dom zdravlja» Zavidovići na osnovu člana 38. Statuta JU «Dom zdravlja» Zavidovići i člana 70. i 89. Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14), na svojoj 11. sjednici održanoj dana 21.07.2021. godine, donosi

**O D L U K U**

o izboru najpovoljnijeg ponuđača za nabavku štampanog kancelarijskog materijala

**Član 1.**

Okvirni sporazum za nabavku štampanog kancelarijskog materijala za JU «Dom zdravlja» Zavidovići u količini potrebnoj za 12 mjeseci, dodjeljuje se ponuđaču GRAFIČAR, Stanoje-Zele Lujić s.p. Doboje.

**Član 2.**

Ponuda ponuđača GRAFIČAR, Stanoje-Zele Lujić s.p. Doboje, u provedenom konkurentskom zahtjevu za dostavu ponuda bila je prihvatljiva ponuda i nakon provedene e-aukcije, imala je najnižu cijenu, te će se ovom ponuđaču ponuditi Okvirni sporazum za nabavku štampanog kancelarijskog materijala za JU «Dom zdravlja» Zavidovići u količini potrebnoj za 12 mjeseci, u ukupnom iznosu od **15.798,78 KM bez PDV-a, što sa PDV-om iznosi 18.484,57 KM.**

**Član 3.**

Drugi po rang, nakon provedene e-aukcije, bio je ponuđač SVJETLOST BH PRINT d.o.o. Sarajevo sa ukupnom cijenom ponude u iznosu od 16.459,19 KM bez PDV-a, što sa PDV-om iznosi 19.257,25 KM.

#### Član 4.

Izabrani ponuđač će morati dostaviti original ili ovjerene fotokopije kvalifikacione dokumentacije u roku od 8 dana, od dana zaprimanja ove odluke, a kako je to navedeno u tenderskoj dokumentaciji i to:

- a) **uvjerenje Suda BiH i suda prema sjedištu pravnog lica**, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,
- b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,
- c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.
- d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza
- e) rješenje o registraciji ili aktuelni izvod iz sudskog registra.

#### Član 5.

Ukoliko odabrani ponuđač odustane od zaključivanja Okvirnog sporazuma, kao i u slučaju da isti ne dostavi dokumentaciju navedenu navedenu u članu 4. ove Odluke, ili istu ne dostavi na način na koji je to traženo, ugovorni organ će u skladu sa odredbom člana 72. Zakona o javnim nabavkama, dostaviti prijedlog ugovora onom ponuđaču čija je ponuda po rang listi –odmah nakon ponude najuspješnijeg ponuđača.

#### Član 6.

Ova odluka stupa na snagu danom donošenja.

#### *Obrazloženje*

Obavještenjem o nabavci, broj: **638-7-1-229-3-23/21**, koje je objavljeno na portalu javnih nabavki dana 02.07.2021. godine pokrenut je konkurentski zahtjev za dostavu ponuda za nabavku štampanog kancelarijskog materijala za JU «Dom zdravlja» Zavidovići u količini potrebnj za 12 mjeseci.

Poziv za preuzimanje tenderske dokumentacije sa portala javnih nabavki, odmah po objavljivanju obavještenja o nabavci na portalu javnih nabavki, upućen je istovremeno trojici ponuđača i to: Planjax d.o.o.Tešanj, Di-namik d.o.o. Zavidovići i Svjetlost-BH print d.o.o. Sarajevo.

Tendersku dokumentaciju za predmetnu nabavku sa portala javnih nabavki preuzelo je 12 ponuđača i to: EKAPIJA DOO, BBS EUROPE, "SVJETLOST-BH PRINT" D.O.O. SARAJEVO, GRAFIČAR, OR TARIK, DEFTER D.O.O. SARAJEVO,PRINT SHOP, PRINT-GS DOO,DI-NAMIK D.O.O. ZAVIDOVIĆI, UL STJEPANA RADICA BB, R&S D.O.O. SARAJEVO,PLAN PLUS D.O.O. i PLANJAX KOMERC.

Na adresu JU "Dom zdravlja" Zavidovići dostavljene su dvije ponude i to: Grafičar,Stanoje-Zele Lujic s.p. Doboj i Svjetlost-BH print d.o.o. Sarajevo.

Komisija za javne nabavke (u daljem tekstu: Komisija) je izvršila otvaranje ponuda dana 13.07.2021. godine u Sali za sastanke u JU «Dom zdravlja» Zavidovići u 09,15 sati, kao što je naznačeno u tenderskoj dokumentaciji.

Nakon pregleda dostavljene dokumentacije Komisija za javne nabavke utvrdila je da obe ponude odgovaraju uslovima iz tenderske dokumentacije, odnosno da su prihvatljive ponude.

Uputstvom za pripremu modela tenderske dokumentacije i ponuda ("Službeni glasnik BiH", broj: 90/14), u članu 17. propisano je da je ugovorni organ obavezan provjeriti računsku ispravnost ponude.

U postupku pregleda ponude ponuđača **GRAFIČAR, Stanoje-Zele Lujić s.p.**

**Doboj** za nabavku štampanog kancelarijskog materijala, provjerom računске ispravnosti iste, utvrđena je računska greška koja se ogledala u pogrešno navedenim količinama stavki 13., 31. i 61. u odnosu na količinu istih stavki traženih tenderskom dokumentacijom, što je za posljedicu imalo pogrešnu ukupnu cijenu navedenih stavki bez PDV-a i sa PDV-om, a time i pogrešnu ukupnu cijenu ponude bez PDV-a i sa PDV-om iskazanu na Obrascu za cijenu ponude-robe, br. 07-08-1/21- Aneks 3.

Članom 5. stav 4. Uputstva za pripremu modela tenderske dokumentacije i ponuda propisano je da prilikom ispunjavanja obrasca za cijenu ponude ponuđač ukupnu cijenu stavke izračunava kao: a) proizvod količine stavke i cijene stavke, dok je stavu 2. člana 17. Uputstva za pripremu modela tenderske dokumentacije i ponuda, propisano da, kada izračuni vezani za pojedinačne stavke iz obrasca za cijenu ponude ili cijena ponude bez poreza na dodatnu vrijednost navedeni u ispunjenom obrascu za cijenu ponude u ponudi, ne odgovaraju metodologiji definisanoj u članu 5. ovog uputstva, ugovorni organ ih ispravlja u skladu sa metodologijom iz člana 5. ovog uputstva.

Članom 5. Stavom 2. tačka c) Uputstva za pripremu modela tenderske dokumentacije i ponuda, definisano je da svaka stavka u obrascu za cijenu ponude, između ostalog, sadrži i polja kojima se navodi količina stavke (tačna količina stavke, okvirna količina stavke, predviđena količina stavke ili procijenjeni udio stavke).

Provjerom računске ispravnosti u skladu sa propisanom metodologijom u Obrascu za cijenu ponude-robe, br. 07-08-1/21- Aneks 3., utvrđeno je da je ponuđač naveo da je ukupna tražena količina za artikle pod rednim brojevima 13., 31. i 61. po 1 blok, odnosno 7 komada, te sa ponuđenim jediničnim cijenama ponuda za iste je glasila:

Stavka br. - Broj lota	Opis roba	JM	Količina	Jedinična cijena bez PDV-a (uključujući dostavu i ostale troškove)	Ukupna cijena po stavki - bez PDV-a (4x5)	Jedinična cijena sa PDV-om (uključujući dostavu i ostale troškove)	Ukupna cijena po stavki - sa PDV-om (4x7)
1	2	3	4	5	6	7	8
13	Nalog za terapiju a 100	blok	1	1,65	1,65	1,9305	1,93
31	Recepti za lijekove žuti a 100 listova	blok	1	1,10	1,10	1,2870	1,29
61	Iskaznica COVID	kom	7	0,09	0,63	0,1053	0,74

U skladu sa naprijed datim količinama i jediničnim cijenama u Obrascu za cijenu ponude-robe, br. 07-08-1/21- Aneks 3, ponuđač je naveo da ukupna cijena ponude bez PDV-a iznosi 16.562,88 KM bez PDV-a. Na ovaj iznos ponuđač je dao popust od 4.140,72

KM, tako da je ukupna cijena ponude sa popustom bez PDV-a iznosila 12.422,16 KM, a sa PDV-om cijena ponude iznosila je 14.533,93 KM.

Navedeni iznosi upisani su i u zapisniku o otvaranju ponuda, broj: 01-2.13-2204/21 od 13.07.2021. godine.

Međutim, u Obrascu za cijenu ponude-robe -Aneksu 3. u tenderskoj dokumentaciji br. 01-2.12-2066/21 od 02.07.2021. godine tražena količina za artikal pod rednim brojem 13. jeste 1.000 blokova, za artikal pod rednim brojem 31. tražena količina je 1.000 blokova i za artikal pod rednim brojem 61. tražena količina je 7.000 komada.

Članom 17. stav (5) Uputstva za pripremu modela tenderske dokumentacije i ponuda ("Službeni glasnik BiH", broj: 90/14), propisano je da se jedinična cijena stavke ne smatra računskom greškom, odnosno ne može se ispravljati.

U skladu sa količinama traženim u tenderskoj dokumentaciji i ponuđenim jediničnim cijenama u ponudi ponuđača GRAFIČAR, Stanoje-Zele Lujčić s.p. Doboj za artikle pod rednim brojevima 13., 31. i 61. ukupna cijena ove artikle trebala je da glasi:

Stavka br. - Broj lota	Opis roba	JM	Količina	Jedinična cijena bez PDV-a (uključujući dostavu i ostale troškove)	Ukupna cijena po stavki - bez PDV-a (4x5)	Jedinična cijena sa PDV-om (uključujući dostavu i ostale troškove)	Ukupna cijena po stavki - sa PDV-om (4x7)
1	2	3	4	5	6	7	8
13	Nalog za terapiju a 100	blok	1.000	1,65	1.650,00	1,93	1.930,00
31	Recepti za lijekove žuti a 100 listova	blok	1.000	1,10	1.100,00	1,29	1.290,00
61	Iskaznica COVID	kom	7.000	0,09	630,00	0,11	770,00

Slijedom greške u ukupnoj cijeni navedenih stavki bez PDV-a i sa PDV-om, postojala je i greška u ukupnoj cijeni ponude, stoga je ukupna cijena ponude u skladu sa ispravljenim ukupnim cijenama pojedinačnih stavki trebala da iznosi: 19.939,50 bez PDV-a, umjesto 16.562,88 KM, što je navedno u ponudi.

Kada se na ukupan ispravljeni iznos ponude primijeni ponuđeni popust od 4.140,72 KM, tada je ukupan iznos ponude sa popustom bez PDV-a trebao da iznosi 15.798,78 KM, dok je ukupan iznos ponude sa PDV-om trebao da iznosi 18.484,57 KM.

Komisija je odlučila da u ovoj fazi prekine rad na daljem postupku ocjene ponude te da uputi ponuđaču **GRAFIČAR, Stanoje-Zele Lujčić s.p. Doboj** zahtjev za prihvatanje ispravke računске greške u ponudi, a shodno stavu 5. člana 17. Uputstva za pripremu modela tenderske dokumentacije i ponuda.

Odgovor po zahtjevu za prihvatanje ispravke računске greške u ponudi ponuđač je trebao dostaviti do 19.07.2021. godine do 09,30 sati.

Dana 16.07.2021. godine Komisija za javne nabavke sa početkom u 15,00 sati nastavila je rad na pregledu i ocjene ponude, jer je ponuđač **GRAFIČAR, Stanoje-Zele Lujčić s.p. Doboj** dana 15.07.2021.godine, putem faxesa i 16.07.2021. godine, putem e-maila dostavio odgovor – Prihvatanje ispravke računске greške u ponudi br. 07-15-1/21 od 15.07.2021. godine, te u istom prihvatio u potpunosti ispravku računске greške u ponudi br 07-08-1/21, kako je Komisija za javne nabavke predložila u zahtjevu, tako da je **ukupna cijena ponude** glasila:

Cijena ponude : **19.939,50 bez PDV-a**  
Popust: **4.140,72 KM**

Cijena ponude bez PDV-a sa popustom: **15.798,78 KM**  
Cijena ponude sa PDV-om i sa popustom: **18.484,57 KM.**

U ovom postupku nabavke predviđeno je provođenje e-aukcije.

E-aukcija je način provođenja dijela postupka javne nabavke, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu e-Nabavke.

Nakon pregleda i ocjene ponuda za nabavku štampanog kancelarijskog materijala za JU „Dom zdravlja“ Zavidovići, utvrđeno je da su dvije ponude prihvatljive, usljed čega je bio ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16 od 06.09.2016. godine).

Ugovorni organ odlučio je da e-aukciju zakaže za 21.07.2021. godine sa početkom u 09,10 sati, te da će e-aukcija trajati 10 minuta.

Prvobitni rang ponuđača koji je utvrđen na osnovu cijena iz ponuda i na osnovu kojeg je i zakazana e-aukcija bio je sljedeći:

Tabela 1: uporedba cijena - rangiranje

Ponuđač:	GRAFIČAR, Stanoje-Zele Lujčić s.p. Doboj	SVJETLOST BH PRINT Sarajevo	Najniža vrijednost ponude
Vrijednost	15.798,78	16.459,19	15.798,78
Rang	1	2	

Ugovorni organ iz sistema e-nabavke, preuzeo je izvještaj o toku i završetku e-aukcije **21.07.2021. godine u 09:20 sati**, te je nakon okončane e-aukcije nastavio rad na ocjeni ponuda u ovom postupku, dana 21.07.2021. godine sa početkom u 09:30 sati.

Iz izvještaja se može utvrditi da u toku e-aukcije nisu podnošene nove ponude, te da je nakon okončane e-aukcije prvorangirani ponuđač **GRAFIČAR, Stanoje-Zele Lujčić s.p. Doboj** sa najnižom cijenom ponude u iznosu **15.798,78 KM bez PDV-a**, a drugi po rangu je ponuđač Svjetlost-BH print d.o.o. Sarajevo sa ukupnom cijenom ponude u iznosu od 16.459,19 KM bez PDV-a.

Cijeneći pravilnost provedenog konkurentskog zahtjeva za dostavu ponuda za nabavku štampanog kancelarijskog materijala za JU «Dom zdravlja» Zavidovići u količini potrebnoj za 12 mjeseci, te datu preporuku od strane Komisije za javne nabavke odlučeno je kao u dispozitivu ove Odluke.

**PRAVNA POUKA:** Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom u tri primjerka.

**DOSTAVLJENO:**

1. GRAFIČAR, Stanoje-Zele Lujčić s.p. Doboj
2. SVJETLOST BH PRINT d.o.o. Sarajevo,
3. a/a.

**PREDSJEDNIK  
UPRAVNOG ODBORA:**  
Mehić Elvir, dipl. pravnik

